

անձինքը, որոնք առաջ վատնում էին վանքի եկամուտները, կը թշնամանային Հայրիկի հետ:

– Բայց միթե՞ Հայրիկը բարեկամներ չունի:

– Ունի, բայց Հայրիկի բարեկամները այնպիսի կարող, այնպիսի հզոր մարդիկ չեն, որպես նրա թշնամիները: Հայրիկի բարեկամները ժողովրդի հալածոած, հարստահարոած եւ ամէն իրաւունքներից զրկոած դասակարգն է: Հայրիկի բարեկամները աղքատ շինականներն են, քաղաքի արհեստաւորներն են, եւ անտուն, անտեղ, անհող, անջուր սարակներն ու բանողներն են, եւ մի քանի երիտասարդներ, որոնք ազնիւ սիրտ եւ բարի ցանկութիւններ ունեն, բայց իրանց ցանկութիւնները կատարելու համար ոչինչ միջոցներ չունեն:

Հայրիկը եկեղեցական աստիճանով դեռ վարդապետ էր, բայց նրա կատարած գործերը, ստացած հոշակը, վայելած ժողովրդական մեծ համարումը, այդ բոլորը չէին կարող չգրգռել միւս եկեղեցականների նախանձը, որոնք թե՛ աստիճանով եւ թե՛ դիրքով աւելի բարձր էին քան թէ նա, թէւ երիտասարդ աբեղան նրանց թշնամութիւնը բացատրում էր միայն տնտեսական պատճառներով: Նրա կառուցած նոր հիմնարկութիւնները՝ իրանց նորութեամբ անգամ կարող էին օտարոտի եւ վնասակար թուել միւս եկեղեցականներին: Նա հիմնել էր իր վանքում մի գիշերօթիկ դպրոց, որը մի տեսակ վարժապետանոց կարելի էր համարել, ուր հաւաքել էր նա զանազան տեղերից մանուկներ, այն նպատակով, որ վարժապետացուք կամ կրթեալ քահանայացաք պատրաստեն եւ, վերադառնալով իրանց հայրենիքը, գիւղական քահանաներ կամ վարժապետներ դառնան: Դպրոցը ուներ եւ երկրագործական բաժին: Գիւղական վարժապետը կամ գիւղի քահանան, Հայրիկի կարծիքով, բաւական չէ, որ պետք է սովորեցնէին գրել, կարդալ, հաշուել, կամ կատարէին գիւղացու հոգեւոր, եկեղեցական պետքերը, այլ, միեւնոյն ժամանակ, նրանք պետք է ցոյց տային, թէ որպէս պետք է գիւղացին վարեր իր հողը եւ որպէս պետք է դարմաներ իր անասունները, որ աւելի արդիւնք ստանար: Բացի դպրոցից, Հայրիկը զանց չէր արել հիմնել կրթութեան երկրորդ գործիչը՝ տպագրական մամուլը: Նրա տպարանից լոյս էին տեսնում զանազան դասագրքեր եւ, ժողովրդի մէջ ընթերցանութիւն տարածելու համար, փոքրիկ դիւրիմաստ գրքոյկներ աշխարհիկ լեզուով, այլեւ մի ամսագիր, որ խմբագրւում էր գլխաւորապէս նրա միաբանութեան աշխատութեամբ: Այդ բոլորի ի կատար ածելը՝ արժանի էր այնքան մեծ ջանքերի եւ այնքան անտանելի տառապանքների, որոնց դեմ միայն Հայրիկի նման մարդու երկաթեայ հաստ ատամտութիւնը կարող էր պատերազմել: Զանի՜ – քանի՜ ան-